


卷十



書名 譚襄敏公遺集三卷首一卷末一卷 嘉
 靖二十四年序刊與譚襄敏公奏議合印
 本
 撰者 明 譚綸 撰
 卷 卷十
 內容分類 集-別集-明中葉
 索書號 大木-總類-奏議-別集-20
 編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)

[版權所有: 東京大學 東洋文化研究所 使用上的注意事項](#)

譚襄敏公奏議卷之一

知宜黃縣事後學武原顧所有纂修



恭謝

天恩疏

嘉靖四十二年二月望日題

前任浙江布政使司右叅政兼按察司副使

勅 嘉靖四十年三月十九日以父憂離任本年

簡因廣寇流突江西伏蒙

卓復臣原職事寧伏蒙

譚襄敏公奏議

卷之十

一

0 1 2 3 4 5 6 7 8 9 20 1 2 3 4 5 6 7 8 9 3



四月譚襄敏公奏議

戊寅仲春
歸安張興言題籤





譚襄敏公奏議卷之十



知宜黃縣事後學武原顧所有纂修

沿邊缺乏火器速乞

請發以充備禦疏隆慶四年四月二十五日題

准巡撫順天都御史劉應節咨據薊州永平昌平
平蜜雲各兵備道呈稱闕乏火藥器械相應

題

請一體給發等因備咨到臣臣惟禦之技必以火
器為先火器之用又以多多為善蓋多則點放

言事每不一考言一
無窮足當其蟻聚之攻少則擊發有限莫勝其
蝟集之矢前此禦專待於應援之兵故所用
火器亦惟應援之兵是賴故今惟標兵火器可
言精且備耳至於各邊之器則皆束之高閣以
待查盤並不敢分之塞垣以備戰鬪去年以來
建造敵臺臣遍行各路搜刷火器以爲守臺保
邊之具始知其無備而紛然具以爲

請臣固不敢不竭犬馬之力而爲多方營置之圖但
自抵鎮以來講求車戰繕治器械晝夜無休比

至去冬業始粗備而諸營呈討烏嘴銃及各路
呈討鐵佛郎機以備極衝之守又日不暇給今
准咨稱缺少佛郎機至五千零二十位快槍至
八千二百桿缺少鉛彈至六十七萬七千個火
藥至五萬六千二百斤若不亟爲題

請而惟責之本鎮自辦不惟料價無處抑且人力有
限况見缺佛郎機快槍之數亦據三四年所建
臺數之需言之耳若合一千五百臺計之所用
之數尙多及稱火藥鉛彈聽本鎮自辦亦自蒞

昌具呈之數而言密永二道尙未慮及若以四道十四路每年合用火藥鉛彈皆辦自本鎮誠恐原留料價之銀不足以備十分之三伏望

皇上軫念

畿輔重鎮邊備廢弛

勅下該部將所缺佛郎機快槍俱如數給發仍每道量給火藥五萬斤大小鉛彈五十萬個聽臣等多方計處分投製用如此則重險不至視爲虛器長技不徒託之空談而彼醜當有所懲創矣

卽事效忠再飭春防大計以慎固疆場疏

隆慶四年五月二十四日題

准兵部咨該本部題職方清吏司案呈奉本部送兵科抄出巡撫宣府等處地方贊理軍務都察院右副都御史王遴題內一款免人衛遊兵以均戰守該本部看得巡撫都御史王 等所陳免人衛遊兵以均戰守一節大率謂該鎮東路遊兵旣議照舊專護南山遊兵一枝專防鎖城止遺正奇二營不敷戰守欲將更番人衛薊

詞裏錄不考言一
卷一八二
鎮遊兵一營行令發回畱備本鎮候薊鎮的有
警急與正奇等兵一併入關援剿查得本年入
衛兵馬已經薊鎮軍門分布防守各有信地遽
難議撤相應勘處合無備行薊鎮督撫官查照
所議將宣府入衛遊兵應否發回防禦聽其有
警應援倘或南山一帶有警薊鎮作何策應勘
議停妥咨報前來以憑議覆等因題奉

欽依備咨到臣該臣會同整飭薊州等處邊備兼巡
撫順天等府地方都察院右僉都御史劉

議照薊昌二鎮先年分爲十區每區俱派入衛
客兵一枝以備截殺宣府入衛遊兵一枝向分
付在馬蘭谷防守其來已久非創始自今矣今
宣鎮之所謂南山卽指薊昌二鎮邊牆而言也
宣鎮所謂重南山乃所以重

京

陵卽薊昌所謂守邊城卽所以守

京

陵也今若裁減宣鎮衛兵一枝則馬蘭一區缺軍截

殺而馬蘭將不守矣馬蘭一處不守則全鎮爲之騷然而

陵京亦不免於震動宣鎮南山之重亦徒託之空言而無益矣此其不可一也况薊鎮入衛之兵其舊蓋二十枝遞減至今乃十枝耳而數又不足三千於內如延綏三枝則每枝僅二千二百人寧夏固原大同四枝每枝各二千七百人耳遽年以來又各紛紛議罷而事難必從今更使近者罷去遠者安能但已而薊鎮二千四百餘里

之邊將何以爲守乎此其不可二也伏望

皇上軫念薊鎮爲全邊第一重地

勅下該部將宣鎮遊兵一枝入衛如故仍執爲一定之議以便遵守免致搖惑人心如此則

畿輔幸甚臣等不勝幸甚

感激非常

恩遇披誠

請兵以備戰守以圖補報疏 六月十六日題

本年四月初一日據山東領班署都指揮僉事
楊文呈奉 臣帖將遊擊將軍陳其可督同原任
守備義勇右衛指揮僉事孟杰新募奇兵一枝
通行管營訓練仍照原案多方召募遇有來投
查審真正名籍陸續呈報驗發收伍等因到 臣
所據都司楊文等召募新兵三千名相應內以

一千五百名抵補入衛陝兵原分布黃花鎮寧夏一枝古北口曹家寨延綏一枝各原減五百之數餘一千五百名卽抵今革退忠順軍二千之數俱屬臣標下另設專將統領訓練候臣通融分布各路防守合用月糧照舊於各營路缺額主兵數內支給仍遵照題

准事例全給行糧每年會計於客兵額內動支庶人心樂從而無復有散逸之患及照

畿輔之地人易資生塞上之役事宜效死人不樂

於應募以故前此募兵非不嚴行督責卒未見有成效今於一年之間募足三千之數實由陳其可楊文孟杰多方招徠與用心撫輯所致不然未易辦此除陳其可見充河間遊擊外合無卽以山東領班都司署都指揮僉事楊文量陞遊擊職銜統領訓練以需實效其楊文領班員缺卽以原任守備義勇右衛指揮僉事孟杰代補庶幾在新軍則兵將相識在班軍則統馭獲人軍旣皆得實用而或修或守盡爲有資矣再

照本鎮召募之法本爲節省財用計也今減去
人衛與忠順官軍三千五百員名正馱馬一千
七百餘匹而補以募兵三千卽給與全支行糧
其所省誠爲不少但入衛官軍一千五百月糧
皆屬彼省關支盛甲器械乃其自備在薊鎮不
過支與行糧料草耳今募兵則月糧皆取諸本
鎮盛甲器械皆從官給其所費亦甚不貲是用
人衛之軍在各鎮則士馬多勞錢糧多費而薊
鎮實安享其成從召募之法在各鎮雖甚蒙其
利而薊鎮仍未見其省臣愚竊謂自是而後不
如且罷召募之法仍從人衛爲便如蒙伏乞
勅下該部再加看詳定爲畫一之規併行上
請行臣等遵照而行臣愚幸甚邊疆幸甚

人尚以事賦定無三十五百以名
七十餘金其則爲之身
其
...

營務初更條陳未盡事宜以飭戎政以禱安攘

疏 七月三日題

准兵部咨該巡視京營魏給事等

題查班軍以資護衛竊惟班軍之役專以強幹弱

枝拱護

京輔

祖宗神謨爲慮遠矣邇來事規漸紊法久弊生官利

其賄則有賣放頂替之私軍畏其苦尤多買脫

竊逃之弊及至入京不論工之大小盡數撥在

工所在營將官不相統屬兩相躲避既不在工又不歸伍不惟人無實用亦且徒費月糧此班軍之所以極敝而不可不亟爲之處也臣等議欲預行彼處撫按都司兵備等官將該班軍各照額數清催精壯統領赴班分投各營操練與京軍一體賞罰亦可資爲戰守再照先年薊遼總督題議將河南山東上班壯軍撥一萬六千餘名赴鎮協同防守將老弱者畱京以不教之軍守極衝之邊在邊方徒糜糧餉于京營實妨

大計合無將薊鎮防守班軍酌量撤回該本部覆議

祖宗時定居重馭輕之制每年令外衛官軍更番赴京操練自嘉靖間犯畿輔地方已將大寧等衛官軍畱各關隘守把近又議將鳳陽守

陵官軍畱在彼處防守僅此山東河南

中都等三都司官軍轉流京操却又每年備成薊州一萬六千員名今查得春班該赴京者不及

謹舉年五孝講
卷之十
九千員名適又遇有

殿閣工役尙且不敷撥用動支太僕寺庫銀募夫以充班軍做工此其積衰廢法不但統領剗付官作弊及在營操練無法而已委當及時查處合無通行山東河南鳳陽等處各該撫按官轉行兵備該道嚴責各衛掌印等官自今秋班爲始各該班軍赴京者要照額數遴選精壯責令勤能委官督發起程到部發營操練其借撥薊鎮防邊官軍一萬六千員名亦咨總督侍郎譚

急速補練士兵刻期退回京營無致以假不歸等因題奉

欽依咨行到臣臣看得在河南山東京操班軍各二枝每歲春秋兩防各一萬二千員名乃臣等與前總督侍郎曹先後題

請節該兵部題奉

欽依屬見薊鎮分班防春防夏防秋一以備撤兵空虛之時一以爲更番訓練之計在京營戰兵三千名乃巡倉御史議將通州官軍撤回防守兵

部議以戰兵三千抵補薊鎮先年改入京營遊
兵六千與見今撤回通州官軍之數在原議並
非暫借於薊鎮亦非以假況薊鎮與 僅隔一
牆保固薊鎮卽以拱護

京師薊鎮誠急

朝廷尙當別行遣將發兵以爲聲援以張

天討

京師則堂奧也薊鎮則門戶也徵列省之兵以實
京營誠得居重馭輕之法出京營之兵以守門

戶亦爲攘外安內之圖事均一體情非秦越謂
之久假不歸臣固有所不敢責之尅期退回勢
亦有所未能伏望

皇上軫念薊鎮精兵歲減 患可虞且人心易搖秋
防已迫

勅下兵部將先後

請發班軍一萬二千員名存留薊鎮如故仍馬上差
人齎文二省撫臣將秋防赴邊班軍嚴加挑選
依期督發其京營戰兵二枝每枝各一千五百

名仍定以慣戰邊將以七月十五日爲期統領
前來以便分布如此庶人心知有定向不致觀
望悞事而邊疆實有賴矣

哨報東西達 合謀大舉

請乞預調保邊人援以助戰守疏

本月二十二日酉時據分守石塘嶺叅將陳勛
揭稟白海子迤北瞭見大舉達賊約長七八十
里於八月十三日起身往東北行走又據薊鎮
總兵官戚繼光揭稱西 達子十分重多已到
境外地名商都等因各報到 臣該 臣督同鎮巡
等官查照節年事規將主客官軍酌量地勢衝
緩題

請分布乘墻列守而又議以黃花居庸鎮邊三路有警該昌鎮總兵官楊四畏統領本標官兵首先應援迎敵古北牆子嶺曹家寨石塘嶺有警該西路副總兵官李超統領本營并臣標將李如檣等標兵首先應援迎敵馬蘭松棚太平三路有警該總理都督戚繼光首先應援迎敵燕河臺頭石門山海關四路有警該東路副總兵官胡守仁統領巡撫標下及本營標兵首先應援迎敵而臣與巡撫都御史各往來督理遇警隨

營調度各該總協等官本路無警他路有警卽便相機策應夫分路列戍布置雖詳但邊長人稀全仗軍門鎮巡協守標兵近者則首先迎敵遠者則相繼應援設使犯一路或分犯兩路又地方相去不遠卽有二三十萬之眾臣等以四標全力合併拒阻卽不資外助可保萬全但今據所報西且有二十萬衆東懲創往年挫衄之事糾合各處遠夷計亦不下十萬屢報西謀犯黃花鎮而東又謀犯古北口東西

又謀犯馬蘭谷是分爲三路矣東則謀犯義院口爲石門寨所屬又謀犯界嶺口爲臺頭營所屬又謀犯冷口爲燕河營所屬又謀犯潘家口爲松棚谷所屬卽未能四路並犯但今四路討賞屬各自逃去亦必有分犯二路之意且一路遇敵左右二路俱當戒嚴是薊昌一十四路東西相去二千餘里處處受敵臣等各標之兵可以應援截殺者纔有四營東二營合車騎步兵計三萬有奇昌平一營不滿六千又抽諸

長陵等八衛之人最爲脆弱難恃所堪恃者僅東之三營耳以三營三萬之兵而當三十萬五路人犯之已爲力不能支而况黃花鎮爲

陵寢重地臣必自將密雲一營合昌平標兵誓死以當黃花一路則所謂古北石塘曹家寨牆子嶺首先迎敵已無其兵而東旣欲分犯二路則副總兵胡守仁卽合巡撫標下之兵其力亦難兼顧總兵戚繼光協總胡守仁卽如初議遇警首先迎敵亦再無別兵可以調發相繼應援臣

等用是苦心籌畫無所措手爲今之計合無請
乞

勅下該部預將保定鎮巡應援兵馬行令整搦三枝
星馳前赴密雲聽臣分撥標兵三千相兼前去
駐劄石匣營適中地方專備古北牆子曹家寨
石塘嶺有警分投赴邊併力拒阻又行遼東鎮
巡官預將人援人馬星馳進關至石門寨臺頭
營屯劄專備東土蠻如果分犯二處總兵王
治道與副總胡守仁督兵分投拒遏巡撫都御

史劉應節往來調度俾臣得以專當黃花鎮一
面保護

陵寢戚繼光專當馬松太平三路如或黃花一鎖無
警臣仍率協總李超標將李如楨等專待牆古
曹石首先迎敵而以保定援兵分發西自牆古
曹石東至馬松太平遇急策應又或牆古曹石
無警而賊悉衆分犯馬蘭以東臣則親率標兵
以東而以保定應援兵馬畱在平谷以西一則
防備西突瞰我虛一以預備內地又或馬松

無警而牆古以西得潰入則滅繼光躬率全營標兵星馳而西與臣連營奮戰如此則勝算粗定不致顧此失彼若謂二鎮援兵必待賊已潰牆而後入關策應則有焦頭爛額之功不如曲突徙薪之萬全也伏望

聖明軫念 眾兵寡

俯賜俞允

畿輔地方幸甚 臣愚不勝幸甚

查陳舊例漕運疏

准巡撫順天都御史劉應節咨據昌平道兵備僉事宋守約呈遵蒙案驗事理行准總理昌平糧餉戶部主事張克家手本回稱緣由爲照昌鎮地方設居

陵寢切臨邊隅軍多民少地窄農稀年例主客糧草俱於四外收買轉運艱難商人疲累已屬難支今若以漕糧折價萬一各商糴買不前到累逋逃邊軍仰給無資臨時悞事干係匪輕合無姑

如管糧衙門所議仍發本色漕糧查照先年舊例責令原運官旗徑運大通橋下堆卸本鎮委官帶領車戶馱運該運官旗各赴該倉晒揚交納庶車脚無插和之弊而邊軍得實用之惠矣惟復仍運通倉收貯責令經紀轉運等因據呈備由咨覆到臣議照昌平地方委係邊隅土地磽确出產穀粟甚寡上年戶部將漕糧發銀召買所司深以為難臣等據文題

請已該戶部撥酌准覆于脚價有省然召商收買實

於事體難行所據兵備管糧衙門會議不惟當從通州仍令經紀轉空且欲復照先年由大通橋官旗徑運為便臣等覆加參酌委宜率由舊章難於因噎廢食動事更革伏乞

勅下該部再為詳定覆

請畫一遵守施行

遼東急缺大將乞早推補先褒死節以作忠勇
疏

據險山叅將郭承恩報酋首黃台吉卜言兀等
聚兵要搶廣寧錦義地方總兵官王治道隨自
關西回還徑至義州適中地方防禦黃台吉等
帶領子四萬餘騎王治道提兵追剿忽遇伏
賊三萬餘騎突起王治道見賊勢衆併力血戰
斃死賊不計其數王治道并郎得功被賊射
斃身死家丁選鋒官軍亦有損傷其大營兵馬

並無損折賊從原路出境去訖等因備報到臣
臣督屬雖遠而大將陣亡亦難辭責謹席藁待
罪外前項事情本宜從彼中撫按會同具
奏但臣回詢走報夜不收任友才稟稱賊往東北
退遁本處既未得手尙恐要犯廣寧等因則巡
撫官正屬調度截殺之時而巡按相去又遠且
大將云亡人心解體必候合疏以
聞誠恐別失事機所據總兵官員缺相應先行具
題伏乞

勅下該部作速會推謀勇兼資將官一員前去任事
仍乞比照先年陣亡總兵官殷尙質楊照事理
將王治道郎得功先行題

請褒錄于以安地方於目前慰忠魂於地下

薦舉兵備官員以備錄用疏

臣奉

命總督薊遼保定等處軍務已及三年茲當陞任所
據督屬兵備官員例應薦舉臣謹查得分守遼
海東寧道叅政張邦土精明宏博厚重老成以
恬淡而飭躬不務先人以賢智崇樸忠以明職
真能爲世之表儀定驛傳之章程明屯種之規
則具見其經畫之大嚴收堡之號令設路河之
墩墻足知其防禦之周賞罰明而人心思奮更

歷久而勞動獨多整飭大名兵備副使張佳胤
學有淵源才堪經濟畱心飭武列郡多可戰之
兵正己率人一道無犯贓之吏詰戎則每嚴清
勾逋逃者盡歸於伍救災則務先窮困昏墊者
胥匡以生提一旅以備胡軍威甚盛操三尺以
馭下憲體可嚴真可謂人倫之表而能備緩急
之用整飭昌平兵備僉事宋守約揮霍宏才光
明俊業掣肘而處盤錯之具區操割不難於迎
刃抗志以圖安攘之實政經營獨見其苦工持

憲具凜凜之風裁一路之豺狼屏跡馭衆有休
休之器度全鎮之羆虎傾心建臺建城皆挺身
任事故能先眾以成功議餉議兵則獨立敢言
不爲曲學以阿世克勤克慎真懷忠抱赤之臣
有守有爲允康濟保釐之器分守遼海東寧道
兵備僉事劉田博雅不羣清貞可則當軍民錯
雜之地處置盡合於人情峻內外出入之防備
禦每先於勝算督率則遍歷險阻何異於胼手
胝足之勞秉憲則獨持風裁常聞其發奸摘伏

之事 每畏威而遁吏不緣法爲奸整飭濱東
寧前兵備僉事任彬嚴毅不阿沈潛不露懲奸
剔蠹一道之敝肅風清列戍修垣三載而民安
盜息備寇則人人用命鼓舞自見其多方清屯
則井井有條區畫足知其極密以上諸臣皆一
時藩臬之選所當薦舉以備擢用內僉事宋守
約資勞已及四載春秋共厯七防望重而心愈
謙宦成而志益勵所宜特薦以備破格超擢者
也如蒙伏乞

勅下該部再加查訪如果 臣言弗謬將張邦士等循
資擢用宋守約破格超待如此則人思感奮而
邊備爲有裨矣

舉劾有司官員以昭勸懲疏

臣據督屬有司官員例當舉劾謹查得順德府知府馮善溫恭有度正直不阿易俗移風知化導之在己能躬先於儉約救災恤患若痍瘝之切身遂力拯其啼號百廢俱興四知尤慎廣平府知府賀賁貞至絕俗人不忍欺明照覆盆冤獄爲之盡洗法行近習積蠹因而一清不猛不寬能勤能慎保定府知府賈淇重厚有文精明不刻當三輔之首衝迎刃足占其利器拯百姓

之胥溺設心獨苦於良工冰清玉潔之操吏畏
民懷之政真定府知府楊道亨溫文謹飭正大
光明寓撫字於催科黎庶每歌其善政以廉平
爲治體僚屬盡慕其清操事必爲之調停法能
行之豪右大名府同知朱一松和而有執介不
爲名處事務盡周詳衆皆稱便鞠獄無爲深刻
民自不寃左右不敢爲奸黎庶咸懷其惠管通
州事河間府同知劉耀武沈潛能斷果毅有爲
當盤錯之具區操割不煩遊刃處驕滑之衛卒

駕馭自是長才永平府同知賀溱忠信明決重
厚老成案牘必親胥吏無舞文之弊廉隅自峻
門庭謝請謁之私遵化營管糧河間府通判王
建鎮鄒利器科第遺英守邊則議保障之長圖
不獨恃其山川險阻署篆則修循良之實政尤
加意於錢穀甲兵建白綽有千言足覘經術施
爲得當一畝定著壯猷居庸關管關保定府通
判法暄雅有文辭習明吏事提身清謹志不耻
於抱關立志廉平才猷優於守郡承委能事事

謹製錄卷之五十一
卷之五十一
二五
不苟議法則井井有條保定府推官蔣希孔儀
容修潔操履方嚴不察察以爲明法令自行於
頑滑每孳孳以爲善好惡獨謹於貪殘審鞠務
得其情平易可以觀政大名府推官蔡汝賢人
如金玉搽比冰霜條上便宜每事有關於政體
聽斷訟獄論法必酌諸人情廣平府推官董邦
禮德器溫純才識明敏剖斷如流法律真同老
吏操持似洗清苦無異寒儒河間府推官馬應
夢才本明達政尙清廉掣鹽能盡得奸欺課入

爲盛議獄則多所平反宛抑獲伸潔亡譬之冰
壺方人猶懸藻鑑真定府推官張堯年器識老
成才猷精練議獄務爲明允兩造無冤提身克
盡清廉一塵不染左右無舞文之吏菁莪多樂
育之賢開州知州陳允升警敏多才沉毅有守
事必求其節省經費自充獄不厭於精詳民命
攸賴管房山縣事知州李琮平易可以近民明
敏足以從政事至輒應弦而解真剴繁理劇之
才質成能片言以折有治暴抑強之具五年清

節無間始終百雉堅城足垂久遠遷安縣知縣
趙雲翔駕馭長才循良古吏潔己愛民治行已
空於冀北卽戎講武甲兵尤富於胸中真非百
里之才可當一面之任寶坻縣知縣劉不息高
明器識潔白操持理枉伸冤囹圄無久淹之獄
省刑薄罰田野有更生之民固安縣知縣馮子
履人如精金美玉操比烈日嚴霜催科能屏絕
鞭笞逋負獨少拯溺則胼胝手足全活何多法
不撓於權豪惠每先施熒獨遵化縣知縣王宣

化言行動法古人政事足稱良吏均徭平賦事
必爲之畫一而權貴靡所低昂議獄慮囚意每
切於平反而囹圄並無冤抑有節用愛民之實
真盤根錯節之才撫寧縣知縣李一本才優治
劇明可燭奸撫字勞心流移盡復其業催徵有
法逋負悉輸之官不染一塵能盡三事肥鄉縣
知縣李棻學有淵源才雄經濟寓鄉約於保甲
善政真足宜民存渾厚於精明儒術固能飭吏
事事見其精采斷斷可爲循良任正縣知縣胡

峻德才優幹濟守更端嚴以民心爲己心體悉
務周於寒谷理官事猶家事忠誠可格乎上蒼
折獄真以片言修城不動聲色蠡縣知縣劉伯
縉博雅宏才廉明善政法紀行之豪右宿蠹爲
清催徵不事鞭敲額賦盡起能潔己以愛民罔
違道而干譽魏縣知縣徐元太遠學宏才英標
雅操儉約出自性成民懷節省長厚由於天賦
政尙廉平效古人罔爲時套修實事不銜虛名
邯鄲縣知縣高世雨揮霍長才循良德政邑當

孔道精明無減於驅馳民罹大災憂勤至廢其
寢食法行自近廉可生威井陘縣知縣鍾遐齡
德性謙沖才猷縝密條列編審之便良法可窒
其弊源節省供應之煩美意遂甦乎民瘼持己
擬之食槩發奸畏其有神濬縣知縣楊沂心存
公恕政尙廉平以片言而折獄動得隱情立二
限以催科咸無逋賦儒術可以飭吏身教自能
化民邢臺縣知縣耿鳴世性資明發操履端嚴
豪右畏其威廉侵地盡歸於版籍疲民賴其賑

恤仁聲遍滿於閭閻馭下嚴而有恩教民動必
以禮長垣縣知縣孫銖德性溫恭才猷敏贍地
本盜賊之淵緝捕嚴而民皆帖席時值昏墊之
後拯援切而衆乃胥生操比冰霜邑多弘誦滑
縣知縣劉翽才識老成政體練達剴繁理劇恢
恢乎遊刃有餘節用愛民歉歉然每懷靡及一
塵不染六事允修昌黎縣知縣張存智練達多
才沉潛有決慎刑獄而兩造無冤躬節儉而一
介不苟以上諸臣雖職任各殊才器互異均之

廉平公謹所當薦揚以備錄用者也臣又訪得
真定府管糧通判王某小才足以集事多智可
以飾奸濫刑以逞賣法貪贓藁城縣知縣易某
性資迂緩才智昏庸舉動全無威儀刑罰不知
可否初則柔懦無爲末乃貪贓敗度此二臣者
清議不容人心共忿所宜亟行罷斥以警官邪
者也臣又訪得興濟縣知縣公某年當衰暮識
欠精詳聽左右一言則巨寇五人同時漏網甫
到任數月逮無辜二命相繼含冤一味昏庸全

詞裏每... 卷...
無知識但蒞任尙淺爲患未深此一臣者所宜
降調閒散以責後效者如蒙伏乞

勅下該部再加查訪如果臣言不謬將馮善等循資
擢用王某等亟行罷斥公某降調閒散如此則
公論定而勸懲自昭生民爲有賴矣

舉劾大小將領以飭邊備疏

臣據督屬大小將領例當舉劾查得總理都督
戚繼光並具才誠兼資文武能以其身係安危
之重卽艱難盤錯務成其信於先資之言每嚴
其辨於義利之關雖禍福死生不變其塞於平
生之守語統馭之規模則治眾如寡真多多而
益辨論綜理之周密則視官猶家無事事之不
親凡令必三五申具見忠肝義膽一檄卽千百
語皆爲豹畧龍韜訓練足以動鬼神夷狄幾欲

一逞者已竟憚其威畧忠信可以貫金石將士
之始而疑者今咸服其精明充其素志豈但勒
石於燕然意厥成功直欲標柱於瀚海此一臣
者真爲

國家之良翰而無忝公侯之腹心所宜隆其委任
假之事權俾得展布以策竒勲者也鎮守昌平
總兵官楊四畏滿腔忠赤刻意功名其治兵也
則紀律甚嚴而恩又足以附衆無忝古名將之
風其臨事也卽勇往直任而謙又能以下人足

稱真君子之譽貌類恂恂儒者勇略實冠於三
軍名則赳赳武夫廉潔不苟於一介程功督備
雖披星戴月而忘其勞養士恤軍每推食解衣
而莫之吝此一臣者真爲遼左之偉人無忝一
方之大將所宜从其委寄進之崇階以重

陵寢者也遼東總兵官李成梁忠義得之性成果敢
由於天賦自結髮以從戎雅能奮鷹揚之勇惟
矢心以報

國幾成大虎穴之功所至以清白著聲官給養廉

言事錄卷之二
卷之二
三十一
之田亦却之而不受至今尚澹泊自處家僅中
人之產恒鬻之以爲資威望以播於東夷才畧
足當乎大任協守東路副總兵官胡守仁心誠
許

國志切平胡嚴節制以練車師吏士之精采百倍
懸恩信以購戰卒貔貅之歸附獨多申明剝削
之科條軍無掎尅搜刷軍餘之影占身無怨對
督工則調停有方衆不勞而事集防寇則寢食
俱廢人有感而作忠協守西路副總兵官李超

英敏長才恢弘遠志虎鈴豹畧悉淹貫於胸中
用兵而竒正迭出騎士車師皆精練於平日臨
陣則意氣自閑當在南方割所愛以酬敢死之
士人服其忠比來北塞轉其弱而爲有制之兵
衆皆曰善遇知己於平生不忘國士之報卽登
壇於年少居然老將之風分守牆子嶺副總兵
張臣起自戎行熟諳武畧遇敵則請爲前鋒裹
瘡而戰何止數十餘陣存傷痕於遍體防則
務幹實事設險以守僅得五十八臺足保障於

一方元年以標兵六百當土蠻三萬竟成棒篋
崖之捷本路以主軍二千守要害六防能貽牆
子嶺以安真禦侮之長才堪折衝之重任分守
古北口副總兵董一元猛氣凌雲壯心噴火譬
之鷹隼志每在於青霄如彼貔貅身不安於錦
韉愛士能同甘苦寢食與俱臨敵不畏死生威
名甚盛分守黃花鎮副總兵程九思又歷邊陲
熟知戎務才足以當一而緩急之際有資智可
以將萬人戰守之能胥備修臺則調度有法衆

不稱勞臨敵則鼓舞多方人思用命分守太平
寨叅將羅端練達多謀沉潛能斷每事務存大
體臨陣乃見壯猷控衝關凡數百里防守惟嚴
任邊事已五六年始終無懈太平寨之設備保
障誠多李家庄之折衝功名最著振武營叅將
蔡勛渾厚精明忠信廉潔熟韜鈴而圭角不露
馭衆則法令獨明寡言笑而容止若愚臨事則
果敢能任建層臺於古北堅利獨冠於一時未
嘗騰之口說爲標將於密雲清謹有加於流輩

不欲播之聲名真長慮却顧之老成堪投大遺
艱之重負分守居庸關叅將孫山才如老將操
則清流綜理精詳數年之積蠹爲洗猷爲練達
一路之百廢盡興草占役以事邊功必先近習
搜空丁以實行伍罔畏豪強建臺則類其家舍
愛士殆有如嬰兒旣暢兵機兼優吏治分守石
塘嶺叅將陳勛秉忠憤之心負強直之氣任事
每期於任怨理官何異於理家撫務爲節約
且具感其恩威建臺獨事高堅足可垂之保障

嚴撥馬之令私騎之弊頓除徹取魚之梁橫歛
之害遂息雖毀言日至蓋由於用法之嚴而公
論或淆必得之嫉能之口軍門標下左營叅將
李如檀沉潛有智警敏多謀論事則井井有條
每稱一得臨文則滔滔不竭立就千言磊落如
珠之走盤真能臨機應變奮擊若鷹之搗兔可
與逐北追奔三仕三已凡以觸忌諱之故一弛
一張人服其操縱之能山東領民兵叅將俞承
光才氣英敏幹局精詳當警報旁午之秋而修

守並事足覘其爲將之優處荒涼寒苦之地而澹泊自甘雅見其持身之潔善拊循而士心豫附未戰而勝算已成嚴節制而軍令齊整所過而市民不擾河間遊擊陳其可談咲有勇倜儻不羣寬能得眾而嚴又足以濟師允矣爲大將之體射可穿揚而遠又足以貫草居然擅北產之能却河南河間班軍之常例二千解逃亡事故等項之官銀一千何其廉潔先建牆子嶺磨刀谷之敵臺八座又建曹家寨井連口之敵臺七座可謂勤勞忠勇欲爲古人才識獨超行輩

鞏華營遊擊李時有志事功當機明決擒首惡於巖穴乃夜半先登遂免生民之塗炭建危臺於邊塞不三月告峻屹爲一面之金湯每事輒以身倡故廢墜盡起開口便爲

國計故節省誠多蓋有統馭之才而又兼綜理之具者也三屯營標下右營遊擊王通論年則血氣正盛以藝則弓馬獨長遇輒奮臂先登一身皆膽中矢復裹瘡以戰遍體成班如彼驍雄

蓋無忝於鬪將卽其忠勇真可任以前鋒分守
燕河營叅將史綱忠存報

國志切奉公振積弱之邊軍號令一新於耳目當
極衝之要路威名遠播於羶裘修臺適妻死而
不能傷潔已則賓至而莫爲禮本忠實不欺之
心爲緩急有用之器曹家寨遊擊王旌緝密之
才精明之政爲臺能竭心力磐石永固於邊關
治兵必事威嚴神策頓加於疇昔撫屬 示之
以信每能得其懽心除戎器務尙其精深有神

於實用寬田谷常捕爲患之醜 剩有威名馬
水口堅却巨賈之饋遺足占清節業可望之遠
到志不怠於宦成軍門標下右營遊擊王祿操
有欲上人之心負奮不顧身之勇開數石之弓
命中於百步之外巧力俱全提三千之軍議戰
於一路之衝志氣彌勵真有桓桓之氣象無慚
赳赳之家風三屯營標下左營遊擊史宸年青
而才識已老藝精而膽氣甚雄提兵出塞奪回
被撲尖夜於羣胡之手勇有足多銳志詰戎振

舉極敝軍政於積弱之時功爲可尙臨敵能以
身先乃得人皆用命行罰必從大始故能令在
必行軍門中軍官都指揮僉事暴以平憂勤惕
勵之心剴繁理劇之器遇事則綜理周密卽盤
錯而能爲治兵則節制嚴明雖嫌怨而不避辨
材官之能否俾人得自盡緩急多可取之長立
養馬之規程旣厩有騰槽屠創免妄派之苦提
身則不染一塵論才可獨當一面大水谷遊擊
張涇器度莊凝才猷縝密領遊兵而法令齊一

足占馭眾之能設邊備而樓櫓高堅具見奉公
之恪清操素甘於澹泊士故歸心雅志不尙於
虛誇人無異議巡撫中軍張功儀容修偉幹局
精詳馭眾綽有恩威能孚眾志守己堅持清白
不染半塵節制分明動有符於古法言論的實
迥不類於邊人原任遊擊取赴巡撫衙門聽用
盧國讓懷忠自效見義必爲負慷慨不羈之才
諂媚恥同於流俗有談笑却敵之智知遇恒左
於方圓練車兵則分合進止動成節制真堪爲

有足之城造石砲則山川草木皆爲甲兵足稱
爲利器之用竒計每能叠出名將實所優爲遼
陽副總兵趙完胄出將門業傳儒術忠信廉潔
允克紹其家聲持重老成眞可屬以戎務習知
地利 盡在其目中曉暢兵機謀必出人意表
錦義叅將畢朝周才堪治劇勇可折衝約已愛
軍始終能堅於一節設檢守要勤勞並著於兩
城實心實政同列服其功能不疾不徐百廢爲
之振緝寧前遊擊楊燮秉性忠誠兼資謀勇起

家世胄全無統袴之風育秀儒門熟習韜鈴之
說西平堡之斬獲武畧足稱寧前衛之勤勞保
障攸賴遼東管屯都指揮僉事郭夢得丰標俊
偉才識精明備禦蒲河之衝每預嚴桑土之撤
應援懿路之戰輒先爲士卒之倡署閩務而苞
苴不行司局捕而奸盜屏息才克堪於大受志
不安於小成分守馬水口副總兵宋蘭夙抱忠
猷夙閑武畧才已練於歷試官不怠於宦成修
邊則獨任其勞堪作百年之保障馭眾則能同

其苦尤爲一箇之干城分守倒馬關叅將時雨
盛年博識壯志英標發跡武科素有平胡之策
兼同文事雅崇儒將之風馭衆而賞罰甚明人
思用命防秋則夙夜匪懈亦聞風分守龍固
二關右叅將張斌忠能就事勇足冠軍生長邊
方習見情之出沒曉暢兵機幾遏胡馬之奔
衝修臺會歷三防每先期告竣卽任勞任怨之
不辭人援未及一月能因地設險而或戰或守
之皆備真定標下民兵營遊擊滿朝相年力強
盛性資剛果生在邊陲習見金草而恒無懼意
每出塞上喜聞笳角而勃起鬪容揮戈耀武綽
有報

國之忠誠結髮從戎雅負平胡之氣概甘苦能同
下士澹泊無改初心分守秦州叅將聶大經儀
容雅飭法令修明統素不奉法之頑軍紀律漸
行於士伍當甚難盡職之重地勤慎特冠於班
行操持潔而僚屬歸心緝捕嚴而奸盜屏蹟河
南領班都指揮王邦憲青年美質壯志英才騎

射甚優素有聲於行輩軍旅曾學亦銳志於功名偶被屬官之欺畢爲臺工所累翻然能改遂克蓋其前愆行之有恒終當期於遠到以上諸臣職任雖有崇卑才略均能禦侮所當薦揚以需大用內副總兵張臣董一元素稱驍勇其志不樂守株叅將羅端積有年勞於例得以增秩但因節省賞銀屬生怨遊擊王祿先年守備喜峯口甚得屬之心叅將李如檀才堪綜理每多心計及照古北口係是極衝之關太平寨則爲


貢道牆子嶺葦去撫賞諸恆欲竊發臣愚謂宜以張臣董一元改入標下左右二營統領標兵以遂其鷹隼欲擊之志以羅端量進一階分守古北口李如檀分守牆子嶺王祿分守太平寨各盡其練達有爲之才李如檀王祿雖各未及三年但在標下百倍勞苦且以標將無故出爲分守人情似有弗安惟復各進一階以作其任事之氣副總兵官李超先年以福建漳州叅將

改守台州本官原係台州松門衛千戶蒞任未及三月輒見疾於本路監司致被中傷該彼處總督軍門論劾提問雖今公論未明事尙未結臣愚謂宜憫其事出誣枉念其南北功勞

准免提問領班都司王邦憲上年以違悞臺工降充爲事官今春在馬蘭谷獨修敵臺九座功爲第一足贖前愆謂宜復其原職中軍官暴以平不耐塞上風寒宜備南任此皆臣與新任總督侍郎劉應節面議相同故敢就事陳乞臣又查得

石塘嶺提調張延廩長馭之才盡忠之志愛士真同赤子號令則雷厲風行持己有類儒生操履實冰清玉潔力能披堅執銳藝擅制挺彎強爲臺旣高於數仞又增環堵一周真可屈乎羣力設險每出於百里間爲棧道幾處乃制之以多方料敵出奇允矣三軍之司命埋山塹谷屹然一路之長城喜峯口提調楊秉中狀貌可觀幹局精當撫賞三衛之屬推赤心以置其腹咸愛戴之爲父母習知全鎮之地利卽沙漠如

指諸掌盡收拾之圖畫。情之背向動得其真。機臺座之經營真不遺乎餘力。上年以才見忌。因而謫官。卽羣胡亦爲稱屈。今歲以勞足稱將。議增秩在庶謀靡不僉同。自非才守俱有可觀。安能內外爲之翕服。界嶺口守備王軫超出武流。允爲儒將。優於綜理。當衝關之盤錯。每迎刃而解。足占利器。善事拊循。凡疲卒之逃亡。輒聞風而復役。具見仁聲。以遊擊而謫居。下僚黽勉。其官畧無怨尤之意。自榆林而量移界嶺。勤勞



所事並多戰守之功。真折衝千里之才。可獨當一面之任。大安口提調陶世臣志安澹泊允矣。同寒士之風。士共苦甘。居然得大將之體。撫屬能無箕歛軍心。旣悅而志亦安。建敵臺每竭心思。人力弗疲。而臺工盡就。一貧若洗。妻子不免啼饑。片言所加。軍士皆如挾纊。入達嶺守備王陽熟諳。情曉暢。兵畧修邊。能節省官銀。工咸就緒。建臺若經營家事。制獨渾堅。扼內外之要津。譏察獨嚴於奸宄。除戰守之戎器。犀利

遍滿於關城素有志於吞胡動可資以拒鎖
邊城守備胡忠年青有志守潔而勤馭疲滑之
邊軍修守不遺其餘力處寒苦之荒塞操持無
間於有初虛冒嚴稽升合皆還公帑逃亡多補
尺籍漸免空名茨溝守備李琚廉介有守驍雄
善戰韜鈴能習志每切於四方騎射夙閑力可
挽乎十石才猷精練豈徒爲一路之優號令嚴
明真可作三軍之帥黃花鎮守備李世臣性資
近實修守能勤築臺則堅麗俱備壯矣金湯種

樹而處置得宜鬱然保障四季馬無倒損兩防
心不怠荒永平守備李沛志欲有爲才堪大受
法令期於必行卽權要而莫之阻撓操持素稱
不染在交際而亦辨是非築臺頭之城高厚可
垂於保障種嶺口之樹採辦不擾於編氓灰嶺
口守備谷九臯年齡英妙膽氣驍雄勤勞素稱
於渤海才望益茂於天山勾各衛之逃軍督責
嚴而補解甚衆修灰嶺之重險區畫當而防禦
多資長峪城提調魯煌洞悉情素閑邊務當

絕疲之地而整頓以漸蠱壞者遂皆足觀馭極滑之軍而招徠多方逃亡者復歸於伍設備則有倫有要事集而眾不爲勞修臺則不疾不徐工成而制亦盡善牆子嶺提調王祿勇敢可以折衝質實而不避事守邊任櫛風冒雨之苦真可爲士卒之倡修臺有胼足胼手之勞蓋不負主帥之託官以扼於下位自每歎其數竒志不懈於有初人亦稱其難得永安營坐營指揮畢英武科妙選寒士清操查椿朋則以時追徵弊

草侵漁制器械則務爲犀利料無冒破攝新舊之城操職業修而地方不擾練應援之標騎行伍實而士卒歸心以上諸臣可備都司遊擊之選內楊秉中才見忌落職一階人所共惜臣固已言之謂宜復其原官俾之久任累至高官以重

貢道魯煌則宜就近推補白羊口守備慎固邊關者也臣又查得永安營標下存操把總千戶周相才長撫馭事善調停管軍能勤於訓練分數

獨明修城則務爲高堅保障攸恃在長峪被誣
當時之公論共惜以去後見慕今日之遺愛猶
存原任山西馬邑守備見充爲事官薛柱才堪
幹濟志復純誠承委則終日僕僕不得少休會
無悞事奉法則一念兢兢罔敢或懈雅有畏心
糲食垢衣僅足充其口體長鎗勁弩尙有志於
邊陲管南兵千總吳惟忠賦性精明存心忠實
由行伍而起家身經百戰與士卒而同苦義服
三軍前後凡部斬親斬級過千餘先今管南兵

北兵守如一日管車營千總楊瑄少年銳志赤
膽英才馭部曲而一塵不染譽已振於粵南練
車騎而四營皆精能尤徵於薊北韜鈴得之家
學擊刺之藝兼工忠義本於性成節制之法尤
善嘗經戰陣綽有機謀軍門標下左營中軍官
李添爵資性純實才器老成騎射優長可備衝
鋒之選號令嚴肅堪稱節制之師督造軍器指
揮路宰青年有志偉貌多能義不辭難激烈每
懷於世叅心能持正精勤益勵於危途造兵器

而節省俱多已見清修之節督邊工而調度有法足徵綜理之才軍門標下車營千總盧述起自布衣曾學軍旅嚴凝有義不忘一飯之恩清介無私能節千金之費臨陣多赴赴之狀論事有諤諤之風教練車營成率然之陣勢督造臺座壯美哉之山河燕河營中軍千戶葛紹忠年力精強資性警敏管中軍而毫無所染儘得士卒之懽心造軍器而事必求工有裨戰守之實用論情明若觀火幹邊事視之猶家練援兵

千總葉鰭體貌修揚性資純雅早歲業儒頗知經術壯年就武亦習韜鈴節省佛郎機料價一千餘兩毫髮不苟督造虎蹲砲三百餘位委用稱能多藝多材任怨任事操練各提戰陣能轉弱以爲強監督總鎮標遊皆知方而有勇管督三路敵臺千總陳子鑿率族從戎功名在於閩浙挺身赴薊勞效著於邊陲督防三路以一人之才而兼十提調之責總管百臺竭五尺之力而事三將官之間純誠足尙勤慎可嘉南京府

軍左衛指揮史臣江東世胄武舉真才騎射熟
閑可副馬草之念操持清潔雅稱羔羊之風監
督敵臺監修關寨無委而不殫心思之勞督軍
守禦督軍成造每事而必竭股肱之力軍門贊
畫百戶祝琦早遊庠校晚習韜鈴投筆請纓雅
負平胡之志揮戈策馬曾收獲醜之功力能舉
於十鈞才足當平一箇延綏人衛遊擊李煦營
中軍指揮李鍾秀生在邊陲習知戎務拔之行
伍累立戰功臨敵每技癢而欲前建臺則料堅

而可久軍心咸服營政亦修永安營前哨哨總
百戶張梭膽氣驍雄才思英敏穿楊有百步之
巧射藝獨優持身擅一節之長士心咸服軍門
督陣千戶王秩心如赤子居常則口訥無言貌
比儒生臨陣則勇敢獨著昔在閩海以累官而
起家今屬薊門亦督備而致力積日累月圖有
補於涓埃蹈矩循規真不踰於尺寸以上諸臣
在常薦多所弗及旣阻夫人前進之心而遇守
備提調之缺往往借才異地又失因才器使之

言事每... 義故併薦之以備守備提調之選者也臣又查得河南領春班指揮同知某統馭無方侵尅有跡洪山口提調某徒負血肉之軀全無幹理之具侵漁日肆貪卑愈彰大毛山提調某年近衰遲志更庸劣懦不能振甘受侮於屬 慾則無剛任多怨於部士一籌不展無惑其防禦之疎百計自營共訝其誅求之巧真定守備某性資粗俗志行貪污雖屢中武科畧知文事再試軍旅無補邊防承乏謬蒙錄用正奮身圖報之秋

倚勢輒肆貪求皆剝軍害民之事此四臣者所宜革回原衛帶俸差操者也分守石門寨叅將某景逼暮齡志惟私橐先年抗節辯主帥之寬誠有一善之可取今日喪心恣溪壑之慾又何寸朽之足言此一臣者相應行令致仕以示曲全者也遼東長永備禦徐永昌才識明敏性亦慈祥管局捕未嘗淫刑以逞掌衛印且能與軍相安但以繩墨之才難任防托之事敵愾禦侮終非所長玩寇殃民勢當必至白馬關守備戴

詔行已素知向上臨事不能慮終防範空疎任屬之出入而莫之禁法令寬縱受尖哨之玩弄而不敢言氣已索然卽一籌而難展心亦灰矣惟得去以爲安但操守原無可議而臺工亦有足取遽爾終棄似屬過苛此二臣者所宜量調腹裏地方以全器使者也白羊口守備王平修工能勤守邊亦慎年力意氣皆尙未衰操守幹才俱無可議但以夙患風疾今復舉發步履必籍人扶邊事豈復堪任此一臣者所宜革回聽其病痊別用者也如蒙伏乞

勅下該部再加查訪如果臣言不謬將戚繼光楊四畏重其委寄以策竒勲李成梁聽其久任以需茂建胡守仁等循資擢用張臣董一元改入總督軍門標下統領標兵羅端照例進階推補古北口李如檀推補牆子嶺王祿推補太平寨分守地方王邦憲復其原職照舊領班暴以平遇有南方都司遊擊員缺酌量推補楊秉中量復原職照舊守備喜峯口魯煌推補白羊口周相

推補長峪城薛柱等遇有薊昌二鎮守備提調員缺亦各就近推補李超免其提問方某等革回原衛帶俸差操李某行令致仕徐永昌戴詔量調腹裏簡僻地方王平草回待其病痊別用如此則任使皆宜而功罪各當邊備爲有裨矣

議撤防春兵馬疏

據總理練兵事務兼鎮守薊州等處地方總兵官右都督戚繼光呈稱奉 臣案驗行仰會同巡撫衙門督令各路將領等官多差人役出邊遠哨東西各 有無結聚情形及查各該官軍派築臺工有無通完酌議應於何時撤放具由呈報以憑題

請等因遵依行據副叅等官董一元羅端等各呈報差人遠出邊外哨無大 結聚緣由及查隆慶

元年防春官兵於五月初三日奉文撤放隆慶二年於五月二十四日撤放上年因閏六月乃以中分六月爲期今照本年五月將終各兵自正二月上邊修守勞苦已久卽今暑氣鬱蒸埋宜憫放休息除該見回交代與應畱過夏及新到大衛兵馬外其餘合照上年題

准事理將臺工已完者先准撤放未完者必待工完始放等因又據鎮守昌平等處總兵官署都督僉事楊四畏呈稱遵依行據副總兵程九思叅

將孫山等各呈稱差人出邊暗哨至裘廠三岔

口湯河等處瞭無北 踪跡取據獨石叅將麻

貴回稱獨石邊外地名金字河雙海子野狐子

耳朵桃害等處各有達賊或五百或一千餘騎

在彼牧馬等因各呈到 臣并准整飭薊州等處

邊備兼巡撫順天等府地方都察院右僉都御

史劉 咨報相同 臣惟邊防有嚴緩之時戍

卒有番休之例蓋所以因時而節養其力以備

戰守也查得每歲防春客兵類於五月初中撤

放乃今歲屢報各合謀將欲分道人犯而巨
酋辛愛領衆屯住滿挑兒近邊地方又獨石邊
外哨多騎其情叵測是以未敢議撤今雖哨
報辛愛北去各邊外俱無踪然獨石之外
猶屯牧防範之機誠難定料但五月已盡炎暑
鬱蒸各兵勞苦既以期至情動似難久留且其
間多係仍該防秋之數亦應早得放回收養整
搨以便依期赴戍今既該鎮巡等官查議前來
相應題

請合無准照上年事規將各原分布防春官軍內係
該見回交代與查其臺工未完者容臣徑自酌
行其各該人衛官軍與臺完班軍俱行撤放回
營蓄養銳氣整治衣甲器械依期赴邊防秋仍
行各將領將各主兵并該畱及新到人衛延固
寧夏兵馬四枝相兼酌量分布防守一面多方
哨探萬一有警速卽飛報臣等督撫鎮協衙門
相機調發標下兵馬前去策應務保萬全如此
庶軍士不致久勞而邊防亦可保固矣如蒙乞

勅兵部再加查議上

請行臣遵照施行惟復別蒙

定奪

議撤防秋兵馬疏

據鎮守薊州等處總兵官右都督戚繼光呈該

臣行仰哨探東西諸 有無屯結踪跡果否遠

遁卽便會同巡撫兵備衙門酌議防守兵馬應

於何時撤放并查舊規該畱客兵與各該官軍

作何分布防冬一併呈報以憑具

題等因依蒙行據古北石塘馬蘭太平等路副叅

等官董一元陳勛等各回稱差人遠出邊外哨

探並無大 結聚等情且今秋警報重大各該

官軍晝夜擺守會無時刻懈怠比之往年勞苦
倍甚卽今已值冬深寒凍似應憐恤撤放仍督
勵各路主兵嚴謹防守其固原遊擊劉葵延綏
遊擊陳天福二枝兵馬應照舊規存畱相兼備
禦倘有警息聽臣調發與同各枝標兵策應截
殺等因又據昌平總兵官楊四畏呈稱依蒙帖
行事理督行黃花居庸橫嶺等路副叅等官程
九思孫山楊鏗等各分投哨報據各回稱差人
遠出賈兒嶺至裘廠三岔口湯河及於宣府獨
石邊外各哨無北結聚消息舊規應畱寧夏
兵馬一枝駐劄黃花鎮與本路主兵相兼防守
其各該官軍秋防以勞似應早爲撤放等因各
呈到臣并准巡撫順天等府地方右副都御史
劉咨及據密雲等兵備道副使等官王惟
寧等各呈報相同據此案照先爲分布兵馬以
慎秋防事該臣督同鎮巡等官戚繼光等將本
年防秋兵馬酌量分布具

題該兵部覆議題奉

欽依備咨前來通行遵照嚴加防禦外尋准兵部咨
為東西大 糾聚近邊聲犯宣大謀窺薊昌申
飭內外戰守機宜以拱護

京

陵事該宣大總督右都御史王 具

題前因該兵部覆議題奉

聖旨這 賊聚眾謀犯着譚綸嚴督鎮巡等官加謹
防禦王崇古等整搦人馬相機策應各要協心
奮力殺賊奏功將卒有不用命者都許以軍法

行事

京城內外防守事宜你每詳議來說欽此欽遵備
咨到臣臣莊誦

天語不勝感奮通行督勵文武臣僚大小將帥各將
邊備嚴加整飭仍與撫鎮等官劉 戚繼光
楊四畏等歃血設誓各務奮不顧身期以盡滅

此 以報

陛下已又伏蒙

陛下特加

大賚激勵三軍沿邊將士感

恩思奮勇氣百倍而

廟堂之上調給兵食區畫防禦視昔又萬倍加嚴西

自宣大東至遼陽南則保定應援之兵勢如雲

擁同時並集以故彼醜聞風膽落畏威宵遁我

無亡矢遺鏃之勞而彼則有東西調集曬肉晾

馬之費此皆仰仗

皇上

天威震疊

廟算萬全得先發制人之策收不戰屈人之功臣等

藉是得免僨事之罪誠為千載奇邁所據防秋

兵馬既經鎮巡等官查議前來相應題

請伏乞

勅下兵部再加酌議具

題轉行新任總督侍郎劉 查照舊規將應留

固原遊擊劉葵延綏遊擊陳天福寧夏副總兵

蕭文奎兵馬三枝與應該見回交代等兵及存

留烏銃南兵相兼各路主兵分布備冬仍嚴督

總協等官各整擗標兵遇有意外之警各卽不待調遣星馳相機援截其餘各該客兵俱准撤放回營休息一面通行各鎮督撫等官將防春該班兵馬查照題

准事規上緊整擗依期督發赴戍惟復別賜定奪

懇乞

天恩

俯容辭免重任以圖安分盡職疏

本月十二日准吏部咨爲懇乞

聖斷早復京營

舊制以一事權以圖

萬世治安事該本部等衙門會推協理京營戎政題

奉

聖旨是譚 陞都察院右都御史兼兵部左侍郎協

理京營戎政寫勅與他欽此欽遵備咨到臣臣
聞

命自

天無任感激無任恐懼竊惟戎政爲

國之大事右都乃今之上卿况當營制載更之時
皇上勵精之日必得忠誠茂著才識素優之臣乃可
以厭服羣望振起六師若而臣者學不通方志
多泥古徒有任事之愚殊寡御衆之具過不自
量冒然承之必至上負

任使伏望

皇上鑒臣愚忠

俯容辭免

新命俾仍舊官安分盡職臣下情無任誠惶誠恐激
切祈仰之至

譚襄敏公奏議後序

余遊南部吳郡王元美雄白紆
朱能口雌黃俊傑時務而新安
汪伯玉常從吾鄉

先大司馬宮保襄敏譚公征閩
寇有功當是時

天子方南顧公以汪爲有才婁表